



**ՆԱՅԱՍՏԱՆԻ ՆԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱՉ**

ՆՐԱՄԱՆ № 40

« 13 » օՏ 2022 թ.

ք. Երևան

**ՎԱՀԱՆ ԺՈՐԱՅԻ ՍԱՐԳՍՅԱՆԻ ԱՐՏԱՀԵՐԹ ԱՏԵՍԱՎՈՐՈՒՄ
ԱՆՑԿԱՑՆԵԼՈՒ ՄԱՍԻՆ**

«Վ» գլխավոր դատախազության մարդու դեմ ուղղված հանցագործությունների գործերով վարչության դատախազ, արդարադատության երկրորդ դասի խորհրդական Վահան Ժորայի Սարգսյանը «Վ» դատախազության համակարգում որպես դատախազ աշխատում է 2013 թվականի օգոստոսի 7-ից, նախ՝ որպես Կոտայքի մարզի դատախազության դատախազի, 2015 թվականի մարտի 31-ից՝ նույն դատախազության ավագ դատախազի, 2017 թվականի հունվարի 23-ից՝ «Վ» գլխավոր դատախազության հետաքննության և նախաքննության օրինականության նկատմամբ հսկողության վարչության դատախազի, իսկ 2019 թվականի սեպտեմբերի 26-ից՝ «Վ» գլխավոր դատախազության մարդու դեմ ուղղված հանցագործությունների գործերով վարչության դատախազի պաշտոնում: Վահան Սարգսյանը ծառայել է «Վ» զինված ուժերում:

Վահան Սարգսյանը դատավարական ղեկավարում է իրականացնում «Վ» քննչական կոմիտեի հատկապես կարևոր գործերի քննության գլխավոր վարչությունում նախապատրաստվող նյութերի և քննվող քրեական գործերի նկատմամբ, ինչպես նաև վերահսկողություն է իրականացնում «Վ» քննչական կոմիտեի Երևան քաղաքի քննչական վարչության Աջափնյակ և Դավթաշեն վարչական շրջանների քննչական բաժնում և Լոռու մարզային քննչական վարչությունում նախապատրաստվող նյութերի, քննվող քրեական գործերի և դատական ակտերի օրինականության նկատմամբ:

Վերջին երեք տարիներին Վահան Սարգսյանը ստուգել է 617 նախապատրաստվող նյութերով քրեական գործ հարուցելը մերժելու մասին որոշումների օրինականությունը, որոնցից 10-ով կազմվել են քրեական գործ հարուցելը մերժելու մասին որոշումը վերացնելու և քրեական գործ հարուցելու մասին որոշումների նախագծեր, 725 քրեական գործերով կայացված վարույթը կասեցնելու կամ կարճելու մասին որոշումների օրինականությունը, որոնցից 17-ով կազմվել են քրեական հետապնդում չիրականացնելու, քրեական հետապնդումը դադարեցնելու և քրեական գործով վարույթը կարճելու մասին որոշումները վերացնելու մասին որոշումների նախագծեր, 35 քրեական գործերով կազմվել են վճարել բողոքի նախագծեր, իսկ 19 քրեական գործերով կազմվել են համանպատասխան քննչական,

դատավարական և օպերատիվ-հետախուզական գործողություններ կատարելու մասին ցուցումներ: Քննարկել և համապատասխան ընթացք է տվել 831 դիմումի:

Վահան Սարգսյանն իր լիազորություններն իրականացնելիս հայտնաբերել է հանցագործության կատարման մասին տվյալներ և իր որոշմամբ հարուցել 1 քրեական գործ:

Դատավարական ղեկավարման գործերով առաջին ատյանի ընդհանուր իրավասության դատարան է ներկայացրել մեղադրյալի նկատմամբ որպես խափանման միջոց կալանավորումն ընտրելու մասին 19 միջնորդություն, որոնցից 5-ը՝ բավարարվել է, իսկ 14-ը՝ մերժվել: Քրեական 8 գործերով դատարաններում պաշտպանել է մեղադրանք, որոնցից 1-ով կայացվել է արդարացման դատավճիռ:

Վահան Սարգսյանը տիրապետում է հանցագործությունների քննության, քննչական գործողությունների կատարման, մինչդատական քրեական վարույթի օրինականության նկատմամբ դատախազական հսկողության, մեղադրանքի պաշտպանության մեթոդիկային և տակտիկային: Տիրապետում է բնագավառը կարգավորող օրենսդրությանը: Օժտված է կազմակերպչական և ղեկավարման անհրաժեշտ ընդունակություններով, կարգապահ է, պաշտոնեական պարտականությունները կատարում է պատշաճ և բարեխղճորեն, վայելում է աշխատանքային կոլեկտիվի հարգանքը:

ՀՀ դատախազության համակարգում աշխատելու ժամանակահատվածում Վահան Սարգսյանին 2018 թվականին ՀՀ գլխավոր դատախազի հրամանով շնորհվել է արտահերթ դասային աստիճան: Վահան Սարգսյանը կարգապահական տույժեր չունի:

Հիմք ընդունելով վերոգրյալը, Վահան Սարգսյանի անձնական և մասնագիտական բարձր որակները, ղեկավարվելով «Դատախազության մասին» ՀՀ օրենքի 9-րդ հոդվածի 2-րդ մասի 7-րդ կետով, 30-րդ հոդվածի 3-րդ մասով, 37-րդ հոդվածով, 39-րդ հոդվածի 1-ին մասի 2-րդ կետով, 2-րդ մասի 2-րդ կետով և 4-րդ մասով, 50-րդ հոդվածի 1-ին և 4-րդ մասերով՝

ՀՐԱՄԱՅՈՒՄ ԵՄ՝

Անցկացնել ՀՀ գլխավոր դատախազության մարդու դեմ ուղղված հանցագործությունների գործերով վարչության դատախազ Վահան Սարգսյանի արտահերթ ատեստավորում՝ վերջինիս «Դատախազության մասին» ՀՀ օրենքի 39-րդ հոդվածի 1-ին մասի 2-րդ կետով նախատեսված ծառայողական առաջխաղացման ցուցակում ընդգրկելու նպատակով:



Ա. ԴԱՎԹՅԱՆ